

ANEXO I

CRITERIOS DE AVALIACIÓN DA PRODUCCIÓN DE INVESTIGACIÓN APLICABLES AOS MÉRITOS CORRESPONDENTES AO ANO 2024

INTRODUCCIÓN

A investigación é un dos eidos fundamentais da actividade na Universidade, e a súa axeitada avaliación pode ser unha ferramenta para o incentivo da devandita actividade e a definición e fortalecemento das liñas estratéxicas das institucións.

Ao longo dos anos pasados empregáronse distintos baremos para a avaliación da produción científica, que foron adaptándose á situación xeral da Universidade e do contorno socio-económico. O desenvolvemento da investigación no contexto autonómico, nacional e internacional, e a implantación e evolución dos indicadores das actividades de I+D+I aconsellan a continua revisión e actualización dos criterios de avaliación. Nesta revisión deben terse en conta os aspectos máis destacados na consideración actual da I+D+I, como son o interese na internacionalización da investigación e o desenvolvemento de liñas de traballo multidisciplinares, a aplicación de criterios de calidade e excelencia como un requirimento para mellorar a competitividade da universidade, ou o impulso da Ciencia Aberta.

Nos criterios de avaliación da produción de investigación aquí presentados preténdese simplificar no posible o proceso avaliador, considerando os elementos máis significativos da difusión da actividade investigadora, confirmada polo rigor e esixencia no proceso de selección das publicacións, e a difusión internacional.

Preténdese utilizar criterios estandarizados, de aceptación xeneralizada, e o máis obxectivos posible. Tamén se terá en conta as particularidades dos diversos ámbitos de coñecemento, para que todos os ámbitos estean en condicións de igualdade para tender á calidade e á excelencia.

Tenderase así mesmo a unha máxima transparencia no proceso de avaliación, garantindo a posibilidade de que os investigadores e investigadoras coñezan a valoración da súa produción, e poidan presentar as correspondentes reclamacións se fose necesario.

CRITERIOS XERAIS

- A. Avaliaranse os méritos correspondentes ao ano 2024.
- B. Os méritos avaliaranse sempre que no documento acreditativo (libro, artigo etc.) **figure expresamente que a autora ou autor é da Universidade de Vigo**, salvo que nese período non se incorporase a esta. Poderase ter en conta outra documentación acreditativa (p.e. artigos de prensa), na que se indique expresamente e se faga visible a relación entre o mérito, os autores e/ou autoras do mesmo e a súa vinculación coa Universidade de Vigo.
- C. Avaliaranse méritos en distintos soportes (papel, electrónico, etc.) sempre que estes cumpran os criterios que se requiren para o seu recoñecemento (ISBN, ISSN ou equivalentes).
- D. Non se considerarán aqueles méritos dos que a documentación sexa insuficiente ou confusa ou recibida fora de prazo. Non se aceptará en fase de reclamación documentación relacionada nos criterios específicos que debe ser presentada na fase de introdución do mérito.
- E. Só se avaliarán os méritos daquelas persoas que sexan membros da Universidade de Vigo no momento da solicitude. Poderán solicitar a avaliación da produción de investigación:
- Profesorado fixo de cadro de persoal (catedráticos/as e titulares de universidade, catedráticos/as e titulares de escola universitaria, profesores/as contratados/as doutores/as, profesorado emérito).
 - Persoal investigador posdoutoral contratado con cargo a programas competitivos (Ramón y Cajal, Beatriz Galindo, Juan de la Cierva, posdoutorais da Xunta de Galicia, Marie Curie, posdoutorais da Universidade de Vigo, persoal investigador distinguido do programa Oportunius e da Universidade de Vigo, persoal investigador do programa JIN, e do programa María Zambrano).
 - Profesorado axudante, profesorado asociado, lectores/as e estudantes de doutoramento vinculados a un grupo de investigación da Universidade de Vigo.
- Non se considerarán, para os efectos de solicitude de avaliación da produción de investigación: o profesorado de listas de agarda, o profesorado invitado ou visitante e persoal investigador contratado con cargo a proxectos que non estea cursando estudos de doutoramento na Universidade de Vigo.
- F. En canto ao número de autores
- Os puntos asignados a cada mérito dividiranse entre o número total de autoras/es, e asignarase a cada investigadora ou investigador da Universidade de Vigo o que lle corresponda. Naqueles traballos co colaboración externa, a puntuación global do mérito multiplícase por 1,2 e os puntos dividiranse entre o número total de autores.
 - Os traballos asinados por varios autoras e/ou autores que pertencen a distintos departamentos deberán ser solicitados por cada un dos departamentos implicados. O mérito será avaliado unha soa vez, e os puntos totais correspondentes ao mesmo serán repartidos de xeito proporcional entre todos os autoras e/ou autores.
 - No caso das revistas Nature e Science, trala consideración de autores do baremo do apartado 2.1, a puntuación dividirase polo número de autores pertencentes a Universidade de Vigo.
- G. Non se poderá presentar un mesmo mérito en dous apartados distintos. Cando un mérito de investigación sexa presentado nun apartado que non corresponda, non será valorado.

- H. Coa intención de corrixir discriminacións contra a muller, aplicarase a presente convocatoria a Resolución Reitoral do 18 de xaneiro de 2021 pola que se regula a acción positiva aprobada no Consello de Goberno do 29 de abril de 2019, para incluír nas convocatorias propias de docencia, investigación e transferencia na Universidade de Vigo. Dita resolución e toda a información relacionada está dispoñible no enlace <https://www.uvigo.gal/accion-positiva> . No caso de atoparse nalgunha das situacións descritas no ámbito de aplicación desta acción, deberase presentar a solicitude da acción positiva (Anexo I da citada RR, dispoñible en https://www.uvigo.gal/sites/uvigo.gal/files/contents/paragraph-file/2021-01/anexo_I.pdf) xunto coa documentación indicada na citada RR. Tamén, de ser necesario, deberase presentar o Anexo II, dispoñible en https://www.uvigo.gal/sites/uvigo.gal/files/contents/paragraph-file/2021-01/anexo_II.pdf .
- I. Non será preciso que o departamento entregue aquela documentación que teña avaliación automática, agás que se solicite expresamente. A Vicerreitoría de Investigación levará a cabo unha comprobación por mostraxe da veracidade dos datos rexistrados. Para ese efecto poderá solicitar dos departamentos, no momento que considere oportuno, a xustificación correspondente a todos ou algúns dos méritos rexistrados, establecéndose un prazo para que os anteditos departamentos preparen e envíen, se procede, a referida documentación. En todo caso, unha vez avaliada a produción de investigación, a documentación requirida será devolta integramente ao departamento.
- J. Realizada a verificación, en caso de detectarse o rexistro de méritos non avaliados segundo os presentes criterios, ou méritos para os cales non exista a documentación xustificativa completa, a Vicerreitoría de Investigación procederá a anular os méritos correspondentes, e non se permitirá participar ao persoal investigador implicado na seguinte convocatoria da produción de investigación.
- K. As Unidades de apoio á investigación e transferencia dos diversos ámbitos, coordinadas cos departamentos que correspondan, serán responsables de verificar a documentación acreditativa dos méritos presentados polos seus membros, e proceder á validación na aplicación informática soamente no caso que o mérito sexa avaliábel segundo o indicado nos presentes criterios, e a documentación acreditativa sexa correcta. Non se avaliará ningún mérito que non fora validado polas unidades indicadas durante o prazo establecido para tal fin. A relación definitiva dos méritos solicitados deberá contar co visto e prace do Consello de Departamento.
- L. A Comisión de Investigación, delegada do Consello de Goberno, realizará a avaliación dos distintos méritos presentados, para o cal poderá solicitar o asesoramento que estime conveniente. Así mesmo, velará porque non se produzan duplicacións de méritos, e resolverá as dúbidas ou fará as aclaracións que sexan necesarias.

CRITERIOS ESPECÍFICOS

I. LIBROS

Documentación: No caso de obras completas presentárase a portada, índice e páxinas onde se xustifique a autoría e afiliación. No caso de capítulos poderase presentar unha fotocopia do capítulo, e das páxinas onde se indique toda a información necesaria para a avaliación do mérito. Pode presentarse a documentación en formato dixital, sen prexuízo de que os orixinais poidan ser solicitados para o cotexo. Ademais, deberánse proporcionar os datos necesarios para a avaliación, tanto de obras completas como de capítulos, segundo os medios indicados polo Vicerreitoría de Investigación

- Consideraranse neste apartado os seguintes tipos de publicacións de investigación: libros, monografías, edicións críticas sempre que os textos figuren co seu aparato crítico e un estudo razoado previo, catálogos de exposicións, traballos audiovisuais, e traducións de libros que conteñan un estudo da obra, un xuízo crítico ou unhas anotacións que se deriven dunha investigación.
- Só se considerarán aquelas obras que teñan ISBN, ou requisito equivalente, de acordo coas normas internacionais, e nos que a editorial teña utilizado un editor, editora, director, directora ou comité editorial que supervise o proceso de creación e edición do libro.
- A publicación de Teses de Doutoramento, Proxectos Fin de Carreira, Teses de Licenciatura, Mestrados ou Graos non se considerará neste apartado.
- Non se valorarán os libros de divulgación, os libros de texto ou docentes, os casos ou os supostos prácticos que teñan como obxectivo prioritario servir de apoio na docencia, as publicacións relacionadas con cursos ou xornadas de formación, nin as publicacións derivadas de calquera tipo de evento.
- Non se valorarán neste apartado as actas de congresos, nin no relativo á autoría nin á edición das mesmas.
- Non se valorarán os libros que sexan editados polos propios autores, autoras ou por persoas físicas, ou por empresas de reprografía, copisterías, librerías, empresas de artes gráficas ou similares.
- As distintas edicións dun mesmo libro non se valorarán. Non se consideran prólogos de libros.
- A avaliación farase tendo en conta a calidade da editorial segundo o seu prestixio nacional ou internacional, o grao de esixencia e o rigor científico nos procesos de selección dos traballos publicados, o nivel de calidade do panel de editoras e/ou editores, a existencia de consello científico internacional, a práctica acreditada de revisión por pares, etc. A lingua de publicación non será considerada como factor determinante do ámbito no que se encadre unha editorial cara á avaliación.
- A Comisión de Investigación establecerá conxuntos de editoriais nos que os méritos reciban puntuación fixa. No procedemento de avaliación da produción de investigación incluírase unha etapa inicial para a solicitude polo persoal investigador, a través dos departamentos, da inclusión de editoriais nas diversas categorías de puntuación.
- A suma dos capítulos dun mesmo libro non poderá superar a puntuación que correspondería polo libro completo.
- No caso de catálogos de exposicións e traducións de libros, non se valorará o mérito neste apartado se é valorado na produción de transferencia.

A clasificación das editoriais farase en tres categorías:

Categoría CE1: aquelas que teñan un VALOR ALTO no IE-CSIC (Índice de Editoriais CSIC) ou que formen parte do listado de *Master Book List Publishers* de WOS ou os que aparezan coa marca PRISM Doab (*Directory of open access books*). PRISM mostra información sobre os procesos de revisión por pares dun editor.

Categoría CE2: aquelas que teñan un VALOR MEDIO no IE-CSIC (Índice de Editoriais CSIC), *Scholarly Publishing Indicators* (SPI), DOAB, *directory of open access books* sin marca PRISM e OASPA.

Categoría CE3: aquelas que teñan un VALOR BAIXO no IE-CSIC (Índice de Editoriais CSIC). Tamén formarán parte da categoría I3 aquelas editoriais que poidan acreditar algúns dos seguintes requisitos:

1. Establezan claramente que conta cun sistema de avaliación e selección de orixinais (se a editorial conta cun comité asesor de expertos na materia; se o comité está formado por membros nacionais ou internacionais; proceso establecido de selección e avaliación de orixinais por revisores externos; se comunica aos autores o resultado da avaliación).
2. Importancia da editorial na materia que tratan (nº de editoriais especializadas na materia e o lugar que ocupa entre elas; nº de tirada de exemplares; nº de manuais de referencia na materia; se os seus libros son traducidos a outros idiomas; se a editorial presenta coleccións por materia; se aparecen recensións dos libros desta editorial en revistas científicas especializadas; presenza da editorial en Feiras internacionais e nacionais e en librerías especializadas; presenza en bases de datos específicas da materia) Algúns destes datos poden consultarse a través da páxina da Federación de Editores por medio da pestaña "Editoriales->Directorios".
3. Calidade formal da edición (boa calidade de impresión; contidos estruturados ; índices de autores, materias, referencias...).

1.1 Libros completos de investigación

Categoría editorial	Como autor/a	Como editor/a ou Director/a
CE 1	30 puntos	10 puntos
CE2	20 puntos	8 puntos
CE3	12 puntos	5 puntos

1.2 Capítulo de libro

Categoría editorial	Como autor/a
---------------------	--------------

CE 1	12 puntos
CE2	6 puntos
CE3	4 puntos

II. ARTIGOS OU TRABALLOS DE INVESTIGACIÓN PUBLICADOS EN REVISTAS

Documentación: Colgarase no SUXI a copia completa do traballo, no que conste a data de publicación, o nome da revista e os autores e/ou autoras. Poderase presentar a documentación equivalente en formato dixital, sen prexuízo de que os orixinais poidan ser solicitados para o cotexo.

Criterios de clasificación de revistas:

En todos os casos, utilizaranse as bases de datos* do último ano dispoñible no momento da avaliación.

Establécense as seguintes categorías:

TIPO A: Revistas que aparezan no JCR-SCI ou JCR-SSCI, no SJR con índice de impacto, no grupo A da clasificación CIRC, no A&HCI, no ERIH ou no grupo A do CARHUS.

Distinguiranse catro subcategorías:

A_D1: aquelas revistas contidas no primeiro decil do índice de citas do JCR-SCI ou JCR-SSCI, ou no primeiro decil do SJR.

A1: aquelas revistas contidas no primeiro cuartil do índice de citas do JCR-SCI ou JCR-SSCI, ou no primeiro cuartil do SJR ou no grupo de excelencia do CIRC.

A2: aquelas revistas contidas no segundo cuartil do índice de citas do JCR-SCI ou JCR-SSCI, ou no segundo cuartil do SJR.

A3: aquelas revistas contidas no terceiro cuartil do índice de citas do JCR-SCI ou JCR-SSCI, ou no terceiro cuartil do SJR.

A4: aquelas revistas contidas no cuarto cuartil do índice de citas do JCR-SCI ou JCR-SSCI, cuarto cuartil do SJR (sempre que teñan índice de impacto), ERIH, e resto de revistas do tipo A non incluídas nas subcategorías anteriores.

Co obxecto de ter en conta as particularidades dos diversos ámbitos de coñecemento, e promover a investigación de calidade e de difusión internacional, os puntos obtidos por publicación de artigos en revistas do JCR-SSCI (Journal Citation Reports, Social Sciences Edition) e Arts & Humanities Citation Index, e do primeiro cuartil do JCR-SCI (Journal Citation Reports, Science Edition) serán multiplicados por un factor 2.

TIPO B: Revistas que non se atopen catalogadas como tipo A e que estean incluídas no Grupo B do CIRC (que inclúe revistas que contan con o selo de calidade do FECYT), no grupo B do CARHUS, ou que aparezan en Scopus.

TIPO C: Revistas que non se atopen catalogadas como tipo A nin B, e que estean incluídas no Grupo C do CIRC (que inclúe as revistas indexadas no ESCI) ou no grupo C do CARHUS.

TIPO D: Revistas de investigación non incluídas en apartados anteriores.

* Bases de datos:

- JCR-SCI (*Journal Citation Reports, Science Edition*)
- JCR-SSCI (*Journal Citation Reports, Social Sciences Edition*)
- SJR (*SCImago Journal Rank*)
- CIRC (*Clasificación Integrada de Revistas Científicas*)
- ERIH (*European Reference Index for the Humanities*)
- A&HCI (*Arts and Humanities Citation Index*)
- CARHUS (*Sistema de avaliación de revistas científicas dos ámbitos das Ciencias Sociais e Humanidades*)
- SCOPUS

2.1 Autoría de artigos en revistas

O baremo será como sigue:

Revista TIPO A	Nature, Science: Si nº autores < 5	60 puntos
	Si nº autores 5-20	48 puntos
	Si nº autores 20-50	30 puntos
	Si nº autores > 50	24 puntos
	AD1:	42 puntos
	A1:	36 puntos
A2:	24 puntos	
A3:	18 puntos	
A4:	12 puntos	
Revista TIPO B	5 puntos	
Revista TIPO C	3 puntos	
Revista TIPO D	1 punto	

A puntuación global do mérito multiplícase por 1,2, cando a publicación sexa *open access*.

No caso de notas breves:

- Revista **TIPO A:** Un terzo dos puntos que lle correspondería ao artigo extenso, agás no caso das publicadas en Nature ou Science, nos que se considera a puntuación completa.
- Revista **TIPO B:** 2 puntos
- Revista **TIPO C:** 0,5 puntos
- Revista **TIPO D:** 0,25 puntos

En todos os casos, quedan expresamente excluídos os artigos en xornais de divulgación, os documentos de

traballo e os resumos de congresos.

2.2 Edición de revistas

Revista TIPO A	A1	A2	A3	A4
Editor/a xefe/a ou director/a	30 ptos	24 ptos	18 ptos	12 ptos
Co-editor/a, editor/a asociado/a, editor/a rexional	15 ptos	12 ptos	9 ptos	6 ptos
Membro do consello de redacción, editor/a invitado/a	3 ptos	2,4 ptos	1,8 ptos	1,2 ptos

	TIPO B	TIPO C	TIPO D
Editor/a xefe/a ou director/a	5 ptos	1 pto	0,5 ptos
Co-editor/a, editor/a asociado/a, editor/a rexional	2,5 ptos		
Membro do consello de redacción, editor/a invitado/a	0,5 ptos		

2.3 Censor/a de artigos de revistas

Revista **TIPO A**: 1 punto por artigo, ata un máximo de 6 puntos por ano.

III. TESIS DE DOUTORAMENTO LIDAS NA UNIVERSIDADE DE VIGO OU EN COTUTELA

Documentación: Achegaranse os datos e documentación só no caso da dirección de teses non lidas na Universidade de Vigo.

No caso de que o doutorando ou doutoranda non sexa membro da Universidade de Vigo para os efectos do reparto da produción de investigación, os puntos da realización sumaranse a quen dirixa a tese de doutoramento.

Realización: 8 puntos

Dirección: 6 puntos

Teses co-dirixidas: de non seren lidas na Universidade de Vigo daranse 6 puntos pola dirección (a dividir entre as codirectoras e codirectores).